

寸

次又存東方木星在洞關朱臺在目後一寸直入一寸

次又存南方營惑星在玉門華房兩目內皆際五分直入五分

次又存中央鎮星在金匱黃室長谷金匱黃室在人中央直入二分星如緞懸於上存思都訖髮鬢令星處其位當悟使五星出光芒放五色煙貫我一身洞徹內外體中如有薰薰星精來入也乃叩齒五遍嚙液二十五過訖乃微呪曰

高元紫闕中有五神寶曜敷輝放光銜門精化積生變為老人首中素容綠帔絡右帶流鈴左佩虎真手執天剛散絳飛辰足躡華蓋吐芒鍊身三景保守令我得真養魄制魂乘風飛仙畢常能行此十五年者於是南極老人丹陵上真迎以綠雲之輿西極老人素靈于期迎以黃縷之車北極老人玄上仙皇迎以玄景之龍東極老人扶陽公子迎以青駢之輦中元老人中央上玄子迎以曲晨之

蓋五老一合俱丹紫虛

右出洞真金真玉光太上隱書經

無上秘要卷之九十四



無上秘要卷之九十五

昇紫晨品

孔四

凡有神州七轉七變儻天之道役使玉童玉女各二十一人遊行五嶽玄絡青毛之節駕青景之龍佩神虎之符藏芙蓉之冠著紫縷毛被丹青飛裙鳴金鈴玉真紫蓋華幡帶九赤斑符封山召雲上遊紫極金堂之中若未能變景騰霄故在人中修行此道九天父母上皇紫晨亦以法服飛仙羽章給子之身但不顯於器塵之中耳子修此道當恒存己身著此章服乘龍御雲七年尅得真靈見形上昇紫晨

上皇先生紫晨君蓋二暉之胤結玉晨之精育龍烟於太空包紫虛以通靈託九玄以含秀凝洪露以成神陶三氣以自灌經玄母以法生任歷劫而受化感日告而曜形於是上皇元年天甲啓晨誕於神州八景之天平丘中域洞淵之演厥名諱波帝字曰虎颯既生之旦面發金容體映玉光五色紫章七十二變精耀玉顏神龍吐芝以灌漑鸞鳳撫翼以

陰玄丹靈散景於瓊軒流光煥爛於退真二  
 景停暉於八朗七元迴精以匡晨金仙散香  
 以亂氣神妃擲華以發烟五緯絡絡神秀紫  
 天年冠二九道遙中元餐精噴氣吐納靈津  
 含芝內灌凝神胎仙抱漱守默澹泊自然思  
 微念氣時不虧閒積感洞元名起上清受號  
 元皇位登紫晨蘭鳳應瑞順運流還神兼五  
 曜形碧七元飛霄迴輪乘空落烟群仙啓路  
 三道合明流電吐威逸駕九玄再登玉陛三  
 謁紫庭遊時瓊闕宴景三元携契五老玉霄  
 上賓飛獸據踞神鳳撫鳴巨虬匡轡靈風啟  
 香流芬激揚箭鶴玉清金童舉雲而侍輪玉  
 女躡虛而銜靈東遊碧水桑林之館洞淵浩  
 靈極清之源賜谷神玉總仙玉司請九玄元  
 圖書精翠雲九變之光日景啓明之章以鍊  
 真化形遊洞上官西之玄羽素野西龍灑泥  
 之演紫微玉堂王母請皓靈素章龜山元籙  
 定真玉格以禪紫皇之號南造朱陵太丹極  
 炎流火之鄉太陽瓊宮九層玉臺南極上元  
 君請太丹洞元夾鈴七耀瓊章金真玉光以

招二景玉精鍊化七變之容北造洞陰九玄  
 寒鄉太陰玉晨九元真妃受流精飛景實章  
 蕭條九耀豁落七元以披天關朝宴玉宮上  
 登始天元景玉京峻嶒之臺九曲之房太真  
 丈人太上大道君受三天正法威制六天受  
 九絳飛精章衣流金鳳璽位登紫晨  
 上皇先生於是靈耀暉姿金容暢顏體冠法  
 服頭戴紫文飛霜七色之冠侍女衆仙十億  
 萬人飛龍毒獸備衛玉軒夜明自然神燭室  
 散虛韻之烟風鼓玄旂迴儻紛鶴嘯朗太無  
 玉音激嶺虛唱飛歌八響應會鸞鳴風吹清  
 奏玄籟玄精曲映三晨停蓋萬真禮慶莫不  
 宗頽頽神州之闕蕭條無崖之館匡制三  
 五之運極化承唐之難理二儀於玄圖總上  
 皇之遺幹靜詠瓊軒俯時冥說蔚蔚三闕幽  
 章啓韻合唱玄闈明範應讚虛音平騎洞慧  
 朗煥激八風以迅驅攝流電以揚精召六甲  
 於五行役武卒於天丁符玉嶽以伺駕微威  
 章以震靈變儂天於神州迴七轉於妙庭招  
 虛無以自灌服玉符以升形落玄象於日月

運七氣於斗星於是飄飄九域公子同軒司  
 命齊輪遊宴紫晨領括洞淵總御群仙自天  
 以下莫不受事於上皇由七變之道妙哉馬  
 七轉七變之道上皇紫晨君受於九天父母  
 修行道成以傳玄感清天上皇君上皇君以  
 傳三天玉童三天玉童以傳紫極真元君紫  
 極真元君傳天帝君天帝君傳南極上元君  
 南極上元君傳太微天帝君太微天帝君傳  
 後聖金闕君後聖金闕君傳上相青童君承  
 真相係皆經萬劫一傳小有天王復撰一過  
 以封於西域山中得者皆奉迎聖君於上清  
 官給玉童玉女各二十一人典衛靈文營護  
 有經者身  
 上皇七轉之道絳簡紫書秘於紫天元臺玉  
 室金房之內授於已成真人不教於始學凡  
 受洞真三十九章雌一玉檢大有妙經解結  
 散滯拔度七玄而不知七轉之法皆不得誦  
 詠於玉篇夫七轉之章皆神州之曲高上之  
 音運於天地參落三晨左迴右轉合會洞門  
 變五還二上應七元轉三還五緯度天關其

(02) A 01

道甚妙故為僂天誦之一篇朗徹無間七轉  
八誦三光濟真五老定籍司命改年解散宿  
結斷絕胞根上關九祖更反胎仙制御千妖  
萬魔束身修之萬福位登紫晨

右出洞真神州七變僂天經

昇玉官品

太帝君素語內祝第一

靜室獨處平坐東向叩齒九通瞑目陰祝曰

蒼元浩靈少陽先生九氣還肝使我魂寧敢

有犯試推以流鈴上帝玉錄名上太清畢咽

閉氣九息嚙液九過止

天帝君素語內祝第二

正南向瞑目叩齒三通陰祝曰

赤庭絳宮上有高真三氣歸心是我丹元騰

我淨躬逕奏以闡太微錄字書名神仙畢閉

氣三息嚙液三過止

南極上元君素語內祝第三

正西向瞑目叩齒七通陰祝曰

素元洞浮天真神廬七氣守腴與神同居澄

識明石遊御玄虛白玉金字九帝真書使我

飛仙九名已除畢咽閉氣七息嚙液七過止

太微天帝君素語內祝第四

正向本年命之上瞑目叩齒十二通陰祝曰

黃元中帝本命之神一氣侍脾使我得真後

物而傾千神來臣老君玄錄書名神仙長生

久視與天同存畢因閉氣一息嚙液十二通

止

後聖帝君素語內祝第五

正北向瞑目叩齒五通陰祝曰

玄元八極太上之機五氣衛腎龜玉參差著

名玉札年同二儀上皇太帝峙然不迷役使

六甲以致八威畢因閉氣五息嚙液五過止

衆真素語內祝第六

還東向存五方之氣都畢又嚙液九過叩齒

畢北向再拜陰祝曰

謹白太上太極四真請存五方五帝五靈神

刻其錄字騭薦十天萬妖束氣衆邪絕烟使

其相見得共語言畢乃精思

太上曰凡欲修行經方存念神真守一之法

不先通釋三官闡明九孔調理五府然後修

行則神氣不懼真靈不降亦徒勞於精思無  
益於自補也有志者精行其事五方素祝訖  
還存思氣理和調內神欣喜響相對無不  
朗然也兆勤勗之必得神仙至妙上法非賢  
不傳

凡修長生之道白日昇晨之法每當清齋苦  
念為先故至人之學望雲霞而致降思招無  
而致感者豈復虛縲哉天道玄默望之泯泯  
子既有心要在子身諒由精誠守固握真道  
不期遠正在數年與氣相應道便降焉此太  
上之妙訣得者神仙

凡學當從下上素次而修不得越略虧天科  
條經有三品道有三真三皇內文天文大字  
九天之錄黃白之道亦得控轡玄霄遊盤五  
嶽故為下品之策靈寶洞玄亦元始俱生淵  
蹟深奧妙趣同原齋淨芳蘭五稱映玄拔度  
七祖解釋罪根亦致真人下降飛騰太清中  
品之妙下方地仙上清道經太丹隱書凡三  
百寶名玉訣九千此上真之首目玉帝之內  
篇得者名參玉簡錄字青宮白日昇晨上造

帝堂上品之訣秘在九天之上大有之宮夫學當從下品造於玉清也道者三奇第一之奇大洞真經三十九章第二之奇雌一寶經第三之奇太上素靈洞玄大有妙經此傳已成真人不傳於始學也忽遇因緣得見篇題不得便矣披於靈文皆當先鍊於涉學然後造真道無不備萬無不仙學者詳而奉之勿虧此言

學道不先備科而學亦萬無成也科以制犯知科便改自然應真也太真科有九品品有十二條九真科有三品品有九條四極明科有四品品有二十四條識於輕重罪福之制故學者宜先尋之此科亦單行於始學不必悉備於衆經也

太上素靈大有玉篇九真明科皆傳骨相合真之人依上皇之初舊經萬劫一傳三天立正改七千年聽得三傳七百年內有其人亦聽三傳案科齋上金三兩紫紋百尺青縵二十七尺赤絲五兩沉香一斤丹一兩詣師告齋百日或三十日上誓九天北帝大靈萬真

領仙玉司以為盟信誓約寶秘修行靈文不得輕洩靈露神真愆盟負科殃及九祖考捷死魂長閉地獄萬劫不原身沒形殘終不得仙

凡受素靈洞玄當依年限而傳過此不得復出篇日以暢三奇素靈經妙可誠於後學使勤尚之人者慎於明科

諸天帝王後聖九玄帝君上相青童太極真人稽首敬聞

太上天尊至真上法高秀玄澄羅絡萬物宗寂虛凝妙起激玄法化三乘彌綸億劫量何可勝豈復稽於明科乎

太上曰善子之言夫後生之徒自非玉虛之胤結自然而生者皆孕於混氣滌係於羈穢也結有不統之行性有不專之善雖希慕玄蹟故心恒背我舉止所乘莫不犯於過過生手外滅命乎內承此而學豈不去真遠哉如使三官執欲對在幽司考延七祖罪累於身有犯斯過者而使悟於玄都有糾罰之制靈化之大復許有贖罪之法案科而用如此期

真將必近矣為學之士而無此檢亦徒勞於精思無益於苦念也今故標出九真三品明章太極真人於是退齋上清奉受素靈大有妙經九真科檢秘於金藏玉匱衛以玉童玉女各三千人侍典靈文散香處飛龍毒獸

巨虬千尋奮爪雲牆備衛玉闕也如是十天大聖九官真仙三月一過莫不上登玄宮稟承明科禮拜於靈文也

上相青童君曰凡有金骨玉髓名參青官得有此文秘而施行於是承受之儀玄合上典施用節度與真同功贖罪拔難宿結成解七玄之祖於是而欣已身昇騰上宴玉宮也

右出洞真太上素靈大有妙經

無上秘要卷之九十五